

# ხელშეკრულება №190/14

ქ. თბილისი

29 დეკემბერი, 2014 წელი

## მუხლი 1. მხარეთა იურიდიული სტატუსი

ერთის მხრივ, სსიპ „საქართველოს ენერგეტიკისა და წყალმომარაგების მარეგულირებელი ეროვნული კომისია“ (შემდგომში „შემსყიდველი“), მისამართი: ქ. თბილისი, მიცკეიჩის №19, წარმოდგენილი მისი აღმასრულებელი დირექტორის ზურაბ გაბელაიას სახით და, მეორეს მხრივ, შპს „ორიენტ ლოჯიკი“ (შემდგომში „მიმწოდებელი“), მისამართი: ქ. თბილისი, აღმაშენებლის №91ა, წარმოდგენილი მისი კომერციული დირექტორის ალან სანაკოევის სახით, ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

## მუხლი 2. ხელშეკრულების საგანი

2.1 ხელშეკრულების საგანია საქართველოს ენერგეტიკისა და წყალმომარაგების მარეგულირებელი ეროვნული კომისიის 2014 წლის ბიუჯეტის დაფინანსების ფარგლებში „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტისა და სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-3 მუხლის პირველი პუნქტის „ა“ ქვეპუნქტის გათვალისწინებით, საქართველოს ენერგეტიკისა და წყალმომარაგების მარეგულირებელი ეროვნული კომისიის მიერ უწყვეტი კვების წყაროს აკუმულატორების (CPV - 31400000) შესყიდვა გამარტივებული შესყიდვის გზით წინამდებარე ხელშეკრულებით გათვალისწინებული პირობების შესაბამისად.

## მუხლი 3. ხელშეკრულების ობიექტი და ღირებულება.

3.1 მიმწოდებელი ვალდებულია მიაწოდოს შემსყიდველს 20 (ოცი) ცალი უწყვეტი კვების წყაროს აკუმულატორი.  
3.2 ხელშეკრულების საერთო ღირებულება შეადგენს 1020,00 (ათას ოცი) ლარს.  
3.2.1 ერთეულის ფასი შეადგენს 51.00 (ორმოცდაათერთმეტი) ლარს;  
3.3 ხელშეკრულების ღირებულებაში შედის საქართველოს კანონმდებლობით დადგენილი ყველა გადასახადი, რომლის გადახდა ეკისრება „მიმწოდებელს“.

## მუხლი 4. შესყიდვის ობიექტის ხარისხი და გარანტია

4.1. მიმწოდებელი იძლევა გარანტიას მასზე, რომ მის მიერ საქონლის მიწოდება განხორციელდება შეუფერხებლად, დროულად ხარისხიანად და შეესაბამება ხელშეკრულების პირობებს.  
4.2. „შემსყიდველის“ მიერ ხარვეზის აღმოჩენის შემთხვევაში, „მიმწოდებელი“ ვალდებულია დაუყოვნებლივ საკუთარი ხარჯებით აღმოფხვრას ხარვეზი.  
4.3. მიმწოდებელი, მიწოდებულ საქონელზე იძლევა 6 (ექვსი) თვიან გარანტიას.  
4.4. მიმწოდებელი ვალდებულია საგარანტიო პერიოდში, წერილობითი ან სატელეფონო შეტყობინების მიწოდების შემდგომ უზრუნველყოს მწყობრიდან გამოსული საქონლის შეცვლა.

## მუხლი 5. საქონლის მიწოდების ვადა

5.1 საქონლის მიწოდება უნდა განხორციელდეს არაუგვიანეს ხელშეკრულების გაფორმებიდან 2 (ორი) სამუშაო დღის ვადაში.

## მუხლი 6. შესყიდვის ობიექტის მიღება-ჩაბარების წესი

6.1. საქონელი „შემსყიდველის“ მიერ ჩაბარებულად ითვლება „მიმწოდებლის“ მიერ საქონლის მიწოდებაზე შესაბამისი მიღება-ჩაბარების აქტის გაფორმების შედეგად, რომელიც დადასტურდება „შემსყიდველისა“ და „მიმწოდებლის“ მიერ საამისოდ უფლებამოსილი წარმომადგენლების ხელმოწერებით.

## მუხლი 7. ანგარიშსწორების პირობები

7.1. ანგარიშსწორების ფორმა: უნაღდო ანგარიშსწორება, ეროვნულ ვალუტაში.  
7.2. საქონლის ღირებულება ანაზღაურდება მხარეთა შორის მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან 20 (ოცი) საბანკო დღის ვადაში.

## მუხლი 8. ხელშეკრულების შესრულების კონტროლი

8.1 ამ ხელშეკრულების შესრულების კონტროლს განახორციელებს საქართველოს ენერგეტიკისა და წყალმომარაგების მარეგულირებელი ეროვნული კომისიის კომპიუტერულ-ტექნიკური და პროგრამული უზრუნველყოფის დეპარტამენტის დირექტორი გიორგი ნანობაშვილი.

შემსყიდველი

მიმწოდებელი



**მუხლი 9. დაგების გადაწყვეტის წესი**

9.1. ხელშეკრულების შესრულებისას მხარეთა შორის წამოჭრილი დაგები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

9.2. შეთანხმების მიუღწევლობის შემთხვევაში, მხარეთა შორის დაგა წყდება საქართველოს კანონმდებლობის შესაბამისად.

**მუხლი 10. ხელშეკრულების პირობების შეუსრულებლობა**

10.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში, ყოველი დაგვიანებული დღისთვის მიმწოდებელს, ეკისრება პირგასამტეხლო ხელშეკრულების ღირებულების 0,1%-ის ოდენობით.

10.2 მიმწოდებლის მიერ ხელშეკრულების შეწყვეტის შემთხვევაში მიმწოდებელს დაეკისრება პირგასამტეხლო მხოლოდ ხელშეკრულების ღირებულების 3%-ის ოდენობით.

**მუხლი 11. ხელშეკრულების პირობების გადასინჯვის შესაძლებლობა**

11.1. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

**მუხლი 12. ფორსმაჟორი**

12.1 წინამდებარე ხელშეკრულების საფუძველზე არც ერთი მხარე არ აგებს პასუხს მეორე მხარის წინაშე და თავისუფლდება პასუხისმგებლობისაგან საკუთარი ვალდებულებების შეუსრულებლობის ან არასათანადოდ შესრულების გამო, თუ ამის მიზეზი გახდა საგანგებო ხასიათის მქონე გადაულახავი ძალა, რომლის წამოშობაზე ხელშეკრულების მონაწილე მხარეები პასუხს არ აგებენ და რომლის არსებობის ან წარმოშობის შესახებ წინამდებარე ხელშეკრულების დადების მომენტში არ შეეძლოთ სცოდნოდათ.

12.2 გადაულახავ ძალად ჩაითვლება შემდეგი:

- ა) სტიქიური უბედურებანი (ხანძარი, წყალდიდობა, მიწისძვრა, შტორმი და სხვა);
- ბ) გამოცხადებული ან გამოუცხადებელი ომი, სამოქალაქო არეულობა, ნებისმიერი სახის საომარი მოქმედებები, საგანგებო მდგომარეობა;
- გ) ეპიდემიები;

დ) ბლოკადა ან ნებისმიერი ეკონომიკური ემბარგო;

ე) ხელისუფლების ნებისმიერი ერთეულის ან ხელისუფლების მიერ საამისოდ კომპეტენტურად განსაზღვრული ორგანოს გადაწყვეტილება და ისეთი ნორმატიული აქტების გამოცემა, რომლებიც ზემოქმედებენ მხარეების მიერ ხელშეკრულებით ნაკისრი ვალდებულებების შესრულებაზე და ცვლიან, წვეტენ ან აჩერებენ წინამდებარე ხელშეკრულების დებულებებსა და პირობებს.

12.3. ფორს-მაჟორული მოვლენა დადასტურებული უნდა იქნეს კომპეტენტური ორგანოს მიერ.

12.4. ფორს-მაჟორული მოვლენების წარმოშობის შესახებ მხარემ დაუყოვნებლივ უნდა აცნობოს მეორე მხარეს მის ხელთ არსებული საკომუნიკაციო საშუალებებით (ტელეფონი, ფოსტა, ფაქსი, ელექტრონული ფოსტა, კურიერი და სხვა) და წარუდგინოს კომპეტენტური ორგანოს მიერ გაცემული, აღნიშნული გარემოების არსებობისა და ხანგრძლივობის დამადასტურებელი ცნობა.

12.5. ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ ხელშეკრულებით ნაკისრი ვალდებულებების შესრულებას.

12.6. ფორს-მაჟორული გარემოებების არსებობის პირობებში, ვალდებულებების შესრულების პერიოდი შეჩერდება იმ დროით, რა დროსაც გასტანა ასეთმა გარემოებებმა, თუ მხარეთა შორის არ იქნა მიღწეული სხვაგვარი შეთანხმება. თუ მხარეების მიერ ხელშეკრულებით ნაკისრი ვალდებულებების შეუსრულებლობა გაგრძელდა ერთ თვეზე მეტ ხანს, თითოეული მხარე უფლებამოსილია ცალმხრივად შეწყვიტოს წინამდებარე ხელშეკრულების მოქმედება, შეწყვეტის საუარაუდლო თარიღამდე არანაკლებ ორი კვირით ადრე წერილობითი შეტყობინების გაგზავნით (ან ელექტრონული ფოსტის მეშვეობით) ან სხვა ხელმისაწვდომი საშუალებით, რომელიც მიმწოდებელი იქნება მხარის მიერ იმ მისამართზე, რომელიც მითითებულ იქნა „შემსყიდველის“ პირველადი რეგისტრაციის დროს.

**მუხლი 13. სხვა პირობები**

13.1 ხელშეკრულების არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

13.2 ყველა ის შემთხვევა და პირობა, რომელიც გათვალისწინებული არ არის წინამდებარე ხელშეკრულებით, განიხილება და გადაწყდება საქართველოს მოქმედი კანონმდებლობის შესაბამისად.

13.3 წინამდებარე ხელშეკრულება მოიცავს მხარეთა შორის არსებულ ყველა წინასწარ შეთანხმებას და შესაბამისად წინამდებარე ხელშეკრულების ხელმოწერისთანავე ძალას კარგავს მხარეთა შორის

შემსყიდველი

მიმწოდებელი





წინამდებარე ხელშეკრულების ხელმოწერამდე არსებული და წინამდებარე ხელშეკრულების საგანთან დაკავშირებული ყველა დოკუმენტი, მიმოწერა და ზეპირი შეთანხმება.

13.4 წინამდებარე ხელშეკრულების ყველა დამატება, ცვლილება და შესწორების ყველა დანართი წარმოადგენს წინამდებარე ხელშეკრულების განუყოფელ ნაწილს.

13.5 თუ წინამდებარე ხელშეკრულების მოქმედების პერიოდში შეიცვლება წინამდებარე ხელშეკრულების მე-15 მუხლში მითითებული რომელიმე რეკვიზიტი, მხარე მოვალეა დაუყოვნებლივ წერილობით აცნობოს აღნიშნულის შესახებ მეორე მხარეს.

13.6 მოქმედი კანონმდებლობის ცვლილება, რომელიც ცვლის ან აუქმებს წინამდებარე ხელშეკრულების რომელიმე დებულებას, არ იწვევს მთლიანად ხელშეკრულების ბათილობას.

13.7 მხარეებს შეუძლიათ ურთიერთშეთანხმების საფუძველზე ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

13.8 მხარეებს უფლება აქვთ ცალმხრივად შეწყვიტონ ხელშეკრულება მისი მოქმედების ნებისმიერ ეტაპზე, ან უარი განაცხადონ ხელშეკრულებით ნაკისრი ვალდებულებების შესრულებაზე, თუ მეორე მხარე არ ასრულებს ამ ხელშეკრულებით მასზე დაკისრებულ მოვალეობას.

13.9 ხელშეკრულება შედგენილია ქართულ ენაზე. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

13.10 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილი მხარეთა მიერ.

**მუხლი 14. ხელშეკრულების მოქმედება**

14.1 წინამდებარე ხელშეკრულება ძალაში შედის ორივე მხარის მიერ ხელმოწერის დღიდან და მოქმედებს 2015 წლის 31 იანვრის ჩათვლით.

14.2 ხელშეკრულება შედგენილია თანაბარი იურიდიული ძალის მქონე სამი იდენტურ ეგზემპლარად. ორი ეგზემპლარი ინახება შემსყიდველთან, ხოლო მესამე - ეგზემპლარი მიმწოდებელთან.

14.3 წინამდებარე ხელშეკრულების ცალკეული დებულებების საქართველოს კანონმდებლობასთან წინააღმდეგობის შემთხვევაში, უპირატესობა ენიჭება საქართველოს კანონმდებლობით დადგენილ ნორმებს.

**მუხლი 15. მხარეთა იურიდიული მისამართები და რეკვიზიტები**

**„შემსყიდველი“**

საქართველოს ენერჯეტიკისა და  
წყალმომარაგების მარეგულირებელი  
ეროვნული კომისია  
ქ. თბილისი, მიცკევიჩის ქ.№19  
ს/ს „თიბისი ბანკი“  
ბანკის კოდი: TBCBGE22  
ა/ა GE37TB7727134080100001  
ს/კ 204400200

აღმასრულებელი დირექტორი  
ზურაბ გაბელაია



**„მიმწოდებელი“**

შპს „ორიენტ ლოჯიკი“  
მის: ქ. თბილისი, აღმაშენებლის №91ა  
ს/ს „ბანკი რესპუბლიკას“  
ბანკის კოდი: CBASGE22  
ა/ა GE96BS0000000005936872  
ს/კ 202052054

კომერციული დირექტორი  
ალან სანაკოვეი

